

59 - Quant'è bellu lu nomu di Maria

Testo e melodia registrati a Platì (RC) nel febbraio 1985 dalla viva voce di un gruppo di donne per mezzo di Mosè Simonetta.



Quant'è bellu lu nomu di Maria,
mi preju sulu 'u sentu nominari. 1.

Era nta la so' stanza chi lejiva,
l'angialu ca la vinni a salutari. 2.

"E vi salutu, Vergini Maria:
chi bellu fruttu chi nd'aviti a dari. 3.

'Nd'aviti a cuncediri lu Messia,
chiju chi crià celu, terra e mari". 4.

Lu Verbu caro dal celu scendiu,
'nta famigghia 'e rose s'incarnau. 5.

La vera rosa è la Matri di Dio,
chija chi Lia di lungu l'adurau. 6.

Vinni a lu tempu e la rosa hjuriu:
vinni a li novi misi e spompinau. 7.

Si misi u faci lu tempiu a Diu,
la rosa senza macula restau. 8.

No mi dicimu quantu meritati,
Vergini bella (e) non nd'abbandunati. 9.

Nu' vi lasciamu nu bellu salutu,
Vergini bella (e) Vu' 'ndatindi aiutu. 10.